



Նոր

ՃՐՄԱԳ



Ե.Տարի : Թիւ 4

Եռամսեայ թերթիկ
2019

Հրատարակութեամբ
Հ.Մ.Ը.Մ. Ալմէլօ Մեկուսի շրջանի վարչութիւն

Homenetmen - ՀՄԸՄ

12 July

ՀԱՂՈՐԴԱԳՐՈՒԹԻՒՆ

Հ.Մ.Ը.Մ.Ի 111ՐԴ ՄԱՍՆԱԾԻԲՂԸ

Հ.Մ.Ը.Մ. ԱՐՑԱԽ



Հ.Մ.Ը.Մ.ի երկրորդ հարիւրամեակի ծրագիրներուն առաջնահերթութիւնը Արցախի մէջ Հ.Մ.Ը.Մ.ի մասնաճիւղ հիմնելու անհրաժեշտութիւնն էր:

Արցախի մէջ Հ.Մ.Ը.Մ.ի մասնաճիւղ ունենալու գաղափարը տարիներու փափաք էր, սակայն զանազան պատճառներով աշխատանքի սկիզբը յետաձգուած էր: Միութեան 100ամեակի ձեռնարկներու ամբողջացումէն ետք, Կեդրոնական Վարչութեան աշխատանքները կեդրոնացան Արցախի մէջ մասնաճիւղի հիմնադրութեան վրայ: Խորհրդակցութիւններէ ետք, տեսակցութիւն մը տեղի ունեցաւ Արցախի Հանրապետութեան նախագահ Բակօ Սահակեանի հետ, որուն ընթացքին արժարժուեցաւ Հ.Մ.Ը.Մ.ի Արցախի մասնաճիւղի հիմնադրութեան նպատակն ու հեռանկարները:

Նախագահ Բակօ Սահակեան իր դրական համագործակցութեան պատրաստակամութիւնը փոխանցեց այս ուղղութեամբ:

Առ այդ, յաջորդող ամիսներու նախապատրաստական աշխատանքներէ ետք, 2 Յուլիս 2019ին Հ.Մ.Ը.Մ.ի Կեդրոնական Վարչութեան պատուիրակութիւն մը գլխաւորութեամբ ատենապետ եղր. Գառնիկ Մկրտիչեանին Արցախի մեկնեցան, ուր գումարուեցաւ Անդրանիկ Անդամական Ժողով ու ընտրուեցաւ վարչութիւն բաղկացած հետեւեալ եղբայրներէն՝ Սեւակ Պօղոսեան, Դաւիթ Գրիգորեան, Արտակ Իշխանեան, Վրէժ Էսմէրեան եւ Վահրամ Յովսէփեան:

Զուգահեռաբար, Կեդրոնական Վարչութիւնը երկամսեայ ժամանակաշրջանով Արցախ գործուղեց խմբապետ մը, որ անհրաժեշտ գիտելիքները պիտի փոխանցէ նորակազմ խմբապետական կազմին:

Հ.Մ.Ը.Մ.ի Արցախի Մեկուսի Շրջանի հիմնադրութիւնը պաշտօնապէս պիտի կատարուի Օգոստոս 2019ին, պետական ու ժողովրդային ներկայութեամբ:

Հ.Մ.Ը.Մ.Ի
ԿԵԴՐՈՆԱԿԱՆ ՎԱՐՉՈՒԹԻՒՆ

Homenetmen - ՀՄԸՄ

22 August ·

Հ.Մ.Ը.Մ.Ի ԱՐՑԱԽԻ ՄԱՍՆԱՃԻԻՂԻ ՀԻՄՆԱԴՐՈՒԹԵԱՆ ՊԱՇՏՕՆԱԿԱՆ ԱՐԱՐՈՂՈՒԹԻՒՆ՝ ՍՏԵՓԱՆԱԿԵՐՏԻ ՄԷՋ



Այսօր, 22 Օգոստոս 2019ի առաւօտեան ժամը 9-ին, Արցախի Հանրապետութեան մայրաքաղաք Ստեփանակերտի մէջ, պաշտօնական արարողութեամբ մը տեղի ունեցաւ Հ.Մ.Ը.Մ.ի 111-րդ մասնաճիւղին հիմնադրութիւնը՝ հայրենի աշխարհի պատմական ու հերոսական շրջանին մէջ:

Արարողութիւնը իրենց ներկայութեամբ պատուեցին Արցախի նախագահ Բակո Սահակեան, պետնախարար Գրիգորի Սահակեան, արտաքին գործոց նախարար Մասիս Մայիլեան, մշակոյթի, երիտասարդութեան հարցերու եւ զբօսաշրջութեան նախարար Լեռնիկ Յովհաննիսեան, կրթութեան, գիտութեան, մշակոյթի եւ մարմնամարզի նախարարի տեղակալ Գեորգ Լոռեցեան, Արցախի թեմի առաջնորդ Պարգեւ Արք. Մարտիրոսեան, Արցախի Հանրապետութեան Մերձատր Արեւելքի ներկայացուցիչ Կարօ Քէպապճեան, Հ.Յ.Դ. Արցախի Կեդրոնական Կոմիտէի ներկայացուցիչ Դաւիթ Իշխանեան եւ Կեդրոնական Կոմիտէի անդամներ, Համազգային Հայ Կրթական եւ Մշակութային Միութեան Արցախի գրասենեակի տնօրէն Հերմինէ Աւագեան, ինչպէս նաեւ՝ բազմաթիւ հիւրեր եւ հրաւիրեալներ: Հ.Մ.Ը.Մ.ի ընտանիքը ներկայացուցին Հ.Մ.Ը.Մ.ի Կեդրոնական Վարչութեան ատենապետ Գառնիկ Մկրտիչեան եւ Կեդրոնական Վարչութեան անդամ Բագրատ Եսայեան:

Նորաստեղծ մասնաճիւղին հրաւերով, պաշտօնական արարողութեան ներկայ գտնուեցաւ Հ.Մ.Ը.Մ.ի Հայաստանի քոյր շրջանի սկաուտական մէկ պատուիրակութիւնը՝ սկաուտական շեփորախումբի ընկերակցութեամբ:



ԲԱՑՈՒՄԸ ԵՒ ՊԱՐԳԵՒԻ (ՍՐԲԱԶԱՆԻՆ ՈՂՋՈՅՆԻ ԽՕՍՔԸ)

Պաշտօնական արարողութիւնը տեղի ունեցաւ Ստեփանակերտի «Վերածնունդ» հրապարակին վրայ: Նախ, սկաուտական շեփորախումբի առաջնորդութեամբ հրապարակ մուտք գործեցին դրօշները Արցախի, Հայաստանի եւ 25 երկիրներու, ուր Հ.Մ.Ը.Մ.ը կը գործէ իր 110 մասնաճիւղերով: Հնչեց Արցախի օրհներգը, որմէ ետք շեփորախումբը նուագեց Հ.Մ.Ը.Մ.ի «Յառաջ նահատակ» քայլերգը:



Տեղի ունեցաւ Հ.Մ.Ը.Մ.ի, սկաուտական դրօշի եւ միութեան կանոնագիրի յանձնում՝ նորաստեղծ մասնաճիւղի վարչութեան: Դրօշները օրհնեց Արցախի թեմի Առաջնորդ Պարգեւ Արք. Մարտիրոսեան, որ այս առիթով արտասանեց ողջոյնի եւ օրհնութեան խօսք մը: Ան ըսաւ, որ Հ.Մ.Ը.Մ.ը համաշխարհային եւ համահայկական կազմակերպութիւն մըն է, որ 100 տարիէ կը գործէ՝ ազգին համար կրթելով հայրենասէր ու ծառայասէր երիտասարդներ, որոնք միշտ պատրաստ են յաղթահարելու որեւէ դժուարութիւն:



«Չափազանց ուրախ եմ, որ վերջապէս Հ.Մ.Ը.Մ.ը կը գործէ հայրենի Արցախ աշխարհին մէջ», նշեց Պարգեւ Սրբազան, մաղթելով ամենայն բարիք, հայրենասիրութիւն, հաւատք եւ ազգային միասնութիւն՝ յօգուտ մեր ազգին, այն կարգախօսով, զոր մեզի կտակած են Վարդանանք, ապրելու եւ գործելու «Վասն հաւատոյ եւ վասն հայրենեաց»:

Իր խօսքին աւարտին, Պարգեւ Սրբազան Տէրունական աղօթքով օրհնեց Հ.Մ.Ը.Մ.ի նորաստեղծ մասնաճիւղը եւ արտասանեց «Պահպանիչ»:



ԱՐՑԱԽԻ ՀԱՆՐԱՊԵՏՈՒԹԵԱՆ ՊԵՏԱԽԱՐԱՐԻՆ ԽՕՍՔԸ

Այնուհետեւ, խօսք առաւ Արցախի Հանրապետութեան պետնախարար Գրիգորի Մարտիրոսեան: Ան ըսաւ, որ Հ.Մ.Ը.Մ.ի պատմութիւնը հարուստ եւ բովանդակալից է: Հ.Մ.Ը.Մ.ը ունի համահայկական կառոյց եւ հայկական աւանդոյթներով կը միաւորէ աշխարհի 25 երկիրներու մէջ գործող իր 110 մասնաճիւղերը: Արցախի մասնաճիւղը կը հանդիսանայ Արցախ-Հայաստան-Սփիւռք եռամիասնութեան հանդիպման գօտին, շեշտեց ան:

Մարտիրոսեան մեծապէս գնահատեց աշխարհով մէկ սփռուած հայ երիտասարդութիւնը միաւորելու Հ.Մ.Ը.Մ.ի պատասխանատուութիւնը եւ մաղթեց, որ Արցախի նորաստեղծ մասնաճիւղը ըլլայ այդ առաքելութեան շարունակողը, մարզական եւ սկաուտական զանազան միջոցներով Արցախի երիտասարդութեան մօտ վառ պահելու համար ազգային դիմագիծի համապատասխան՝ հայրենասիրական ոգին:



Հ.Մ.Ը.Մ.Ի ԿԵԴՐՈՆԱԿԱՆ (ՎԱՐՉՈՒԹԵԱՆ ԽՕՍՔԸ)

Յաջորդ խօսքը արտասանեց Հ.Մ.Ը.Մ.ի Կեդրոնական Վարչութեան ատենապետ Գառնիկ Մկրտիչեան:

Իր խօսքին սկիզբը, Մկրտիչեան ըսաւ, որ 101 տարեկան Հ.Մ.Ը.Մ.ի համար սովորական իրադարձութիւն մը չէ Արցախի մէջ մասնաճիւղի մը հիմնադրութիւնը, որովհետեւ մասնաճիւղը սովորական մասնաճիւղ մը չէ, ինչպէս աշխարհի տարածքին հայկական որեւէ համայնքի մէջ ստեղծուող մասնաճիւղ:



«Արցախը աշխարհագրական վայր ըլլալէ առաջ մեզի համար պատմութիւն է, հերոսական հայրենիք է եւ դարաւոր հպարտութիւն: Հայրենիքի այս հատուածը պահելու եւ պահպանելու համար ազգովին վճարած ենք շատ սուղ գին», ընդգծեց ան:

«Անցնող 30 տարիներուն, Արցախը եղած է կիզակէտը համայն հայութեան, - հաստատեց Մկրտիչեան, - Հայութիւնը ոչինչ խնայած է Արցախը հօգօր, իսկ արցախահայութիւնը ամուր տեսնելու համար: Հայ Մարմնակրթական Ընդհանուր Միութիւնը, իր կարգին, Արցախը դարձուցած է մնայուն ուշադրութեան առարկայ: Արցախը իր կարեւոր տեղը ունեցած է միութեան դաստիարակչական ծրագիրներուն մէջ: Հ.Մ.Ը.Մ.ականներ հասակ առած են Արցախի սերով, Արցախին ծառայելու եւ ի հարկին Արցախին համար զոհուելու պատրաստակամութեամբ: Ու չմոռնանք, որ Հ.Մ.Ը.Մ. իր նահատակները ունի Արցախեան պայքարին. Վարդան Բախշեանը, Վաչէ Ռոստմեանը, Վիգէն Զաքարեանը եւ ուրիշներ իրենց արեամբ գրեցին Արցախի նորօրեայ մեր պատմութիւնը:

«Ու երբ միութիւն մը դաստիարակութեամբ, զոհաբերութեամբ Արցախի հետ կ'ըլլայ, բնական է, որ ան նաեւ Արցախի մէջը ըլլայ: Կազմակերպական ներկայութիւն եւ միութենական գործունէութիւն ունենայ: Բան մը, որ երկար տարիներ կարելի չէր իրագործել զանազան պատճառներով», յայտնեց Մկրտիչեան: Ապա, նորաստեղծ մասնաճիւղին առաքելութեան մասին խօսելով՝ Գառնիկ Մկրտիչեան ըսաւ. «Հ.Մ.Ը.Մ., իր քայլերգին բառերով, մեր ժողովուրդին կամաւոր բանակն է: Բանակ մը, որ ահա, այսօր կու գայ իր բոլոր կարելիութիւնները ի սպաս դնելու Արցախի մեր պետականութեան եւ բանակին, իր շարքերուն մէջ հասակ առնող արի ու կայտառ երիտասարդութիւնը ուղղելով դէպի հայրենիքի ծառայութեան նուիրական դաշտ»:

Շարունակելով, Գառնիկ Մկրտիչեան յայտնեց, որ այսօր բոլորին հայեացքները ուղղուած են այստեղ, արցախցի իրենց քոյր-եղբայրներուն: Բոլորը յաջողութիւն կը ցանկան նորաստեղծ մասնաճիւղին եւ անխտիր բոլորը իրենց բովանդակ կարելիութիւնները կը դնեն մասնաճիւղին տրամադրութեան տակ, որպէսզի ան ամրանայ, հզօրանայ, իրմով մեր ժողովուրդն ու պետականութիւնը ամրանան ու հզօրանան»:

Աւարտին, յանուն Հ.Մ.Ը.Մ.ի Կեդրոնական Վարչութեան, Գառնիկ Մկրտիչեան շնորհակալութեան խօսք յայտնեց Արցախի պետական պատասխանատուներուն եւ յատկապէս նախագահ Բակօ Սահակեանին, որոնք անվարան գնահատեցին Հ.Մ.Ը.Մ.ի մասնաճիւղ մը ունենալու միութեան առաջարկը եւ կարելի ամեն աջակցութիւն ցուցաբերեցին:

Խօսքը եզրափակելով, Կեդրոնական Վարչութեան ատենապետը ընդունեց նորաստեղծ մասնաճիւղի սկաուտներուն երդումը:

ՆՈՐԱՍՏԵՂԾ ԱՐՑԱԽԻ (ՄԱՍՆԱՃԻՒՂԻՆ ԽՕՍՔԸ)

Խօսք առաւ Հ.Մ.Ը.Մ.ի Արցախի նորաստեղծ մասնաճիւղի ատենապետ Վրէժ Էսմերեան: Ան ըսաւ, որ Արցախի մէջ Հ.Մ.Ը.Մ.ի մասնաճիւղի մը հիմնադրութեամբ կ'իրականանայ հայութեան երազներէն մէկը: Հ.Մ.Ը.Մ.ի նշանաբանը «Բարձրացի՛ր-բարձրացուր» է եւ, ինչպէս աշխարհասփիւռ բոլոր մասնաճիւղերը, Արցախի մասնաճիւղը եւս պիտի գործէ նոյն սկզբունքով եւ նախանձախնդրութեամբ:



Էսմերեան իր խօսքին մէջ շնորհակալութիւն յայտնեց Հայաստանի քոյր կազմակերպութեան, որ պատուիրակութեամբ մը կը մասնակցի Արցախի մասնաճիւղի հիմնադրութեան պաշտօնական արարողութեան: Ան ըսաւ, որ ինչպէս Արցախի ազգային-ազատագրական պայքարի օրերուն ամբողջ հայութիւնը թեւ ու թիկունք կանգնեցաւ Արցախին, այսօր եւս բոլորը հրաւիրուած են աջակցելու Հ.Մ.Ը.Մ.ի Արցախի մասնաճիւղին գոյատեւման ու զարգացման, իբրեւ երաշխիք հօգր եւ ամուր Արցախի մը կերտման:

Հ.Յ.Դ. ԱՐՑԱԽԻ ԿԵԴՐՈՆԱԿԱՆ (ԿՈՄԻՏԵԻՆ ԽՕՍՔԸ)

Պաշտօնական արարողութեան վերջին խօսքը արտասանեց Հ.Յ.Դ. Արցախի Կեդրոնական Կոմիտէի ներկայացուցիչ Դաւիթ Իշխանեան: Ան ըսաւ, որ մինչեւ օրս Հ.Մ.Ը.Մ. Արցախի մէջ ներկայ էր անպաշտօն կերպով: Ներկայ էր իր նահատակներով, որոնք իրենց գարուն կեանքերը զոհաբերեցին Արցախի հայութեան պաշտպանութեան եւ երկրի սահմաններու ապահովութեան համար:

Իշխանեան նկատել տուաւ, որ մասնաճիւղի հիմնադրութեան պաշտօնական արարողութիւնը տեղի կ'ունենայ խորհրդանշական հրապարակի մը մէջ, ուր 30 տարի առաջ սկիզբ առաւ ազգային-ազատագրական մեր պայքարը: Հրապարակ մը, ուրկէ տարիներ ետք մարտի մեկնեցան քաջարի մեր մարտիկները: Ան մաղթեց, որ հրապարակին վրայ ծածանող դրօշներու ներկայութեամբ եւ բոլորին վկայութեամբ, նորաստեղծ մասնաճիւղին անդամները պատասխանատու ըլլան Հ.Մ.Ը.Մ.ական իրենց խոստումին եւ ընդառաջեն հայրենի կանչին՝ Արցախին եւ արցախահայութեան ծառայութեան հրաւերին:

Պաշտօնական խօսքերու աւարտին, արարողութիւնը փակուեցաւ Հ.Մ.Ը.Մ.ի սկաուտական շեփորախումբին ազգային-հայրենասիրական եղանակներով:

ՏԵՍԱԿՑՈՒԹԻՒՆ ԱՐՑԱԽԻ (ՆԱԽԱԳԱՀԻՆ ՀԵՏ)

Հ.Մ.Ը.Մ.ի Արցախի մասնաճիւղի հիմնադրութեան պաշտօնական արարողութենէն ետք, Հ.Մ.Ը.Մ.ի Կեդրոնական Վարչութեան ատենապետ Գառնիկ Մկրտիչեան, Կեդրոնական Վարչութեան անդամ Բագրատ Եսայեան եւ Հ.Յ.Դ. Արցախի Կեդրոնական Կոմիտէի ներկայացուցիչ Դաւիթ Իշխանեան այցելութիւն մը տուին նախագահ Բակօ Սահակեանին եւ շնորհակալութիւն յայտնեցին Հ.Մ.Ը.Մ.ին ցուցաբերած իր աջակցութեան համար:

Իր կարգին, նախագահ Սահակեան մեծապէս գնահատեց Հ.Մ.Ը.Մ.ի դերը երիտասարդութեան հայեցի դաստիարակութեան, ֆիզիքական եւ մտային կարողութիւններու զարգացման մէջ, նշելով որ ան մեծ ակնկալութիւններ ունի միութեան Արցախի գործունէութենէն:

ԱՐՑԱԽԻ ԱՌԱՋՆՈՐԴԻՆ ԵՒ (Հ.Յ.Դ. ԿԵՂԴՈՆԱԿԱՆ ԿՈՄԻՏԵԻՆ ՄՕՏ)

Հ.Մ.Ը.Մ.ի պատուիրակությունն մը, բաղկացած Կեղրոնական Վարչութեան անդամներէ եւ Արցախի մասնաճիւղին ատենապետէն, այնուհետեւ այցելեց Արցախի հայոց թեմի առաջնորդարան եւ տեսակցութիւն մը ունեցաւ առաջնորդ Պարգեւ Արք. Մարտիրոսեանի հետ:



Առաջնորդ յայտնեց, որ զանազան շրջաններ այցելութիւններուն բերումով ինք ծանօթ է Հ.Մ.Ը.Մ.ի կառոյցին եւ գործունէութեան: Հ.Մ.Ը.Մ. հայանուէր եւ հայրենանուէր կազմակերպութիւն է, որ կը զբաղի նոր սերունդի դաստիարակութեան գործով, նշեց ան եւ յաջողութիւն մաղթեց Արցախի նորաստեղծ մասնաճիւղին աշխատանքներուն:

Այցելութիւններու շարքին վերջինը տրուեցաւ Հ.Յ.Դ. Ստեփանակերտի «Նիկոլ Դուման» կեղրոն, ուր Հ.Մ.Ը.Մ.ի պատուիրակութիւնը տեսակցեցաւ Հ.Յ.Դ. Արցախի Կեղրոնական Կոմիտէի ներկայացուցիչին եւ անդամներուն հետ: Տեսակցութեան ներկայ գտնուեցաւ Հ.Յ.Դ. Բիւրոյի Արցախի գործիչ Հրաչ Թադէտոսեան:

Տեսակցութեան ընթացքին քննարկուեցան Հ.Մ.Ը.Մ.ի Արցախի գործունէութեան առնչուող կազմակերպական հարցեր եւ անմիջական գործակցութեան ծրագիրներ:



Հ.Մ.Ը.Մ. ԱԼՄԵԼՕ ՄԵԿՈՒՄԻ ՇՐՋԱՆ HOMENETMEN ALMEELO



**SPONSOR ONS VOETBALTEAM
VOOR HET SEIZOEN 2019-2020**

VOOR MEER INFORMATIE: (06) 848-27-466 & (06) 219-65-767
DEADLINE 15 AUGUSTUS 2019

HomeԱնդրադարձ

ՀՄԸՄ-ը՝ Անցեալէն Ապագայ Երիտասարդութեան Հետ, Երիտասարդութեան Համար ՏՈՔԹ. ԻՇԽԱՆ ԵՂԻԱՅԵԱՆ



Հանրաձանօթ դէմքերու, աշխարհահռչակ անձերու, հերոսներու, պատմական վայրերու, թուականներու կամ մայրաքաղաքներու մասին կարելի է մեծաթիւ գրութիւններ, արձանագրութիւններ, յուշագրութիւններ եւ նոյնիսկ գիրքեր գտնել: Համացանցի վրայ նոյնիսկ աւելին կարելի է տեսնել:

Բայց քիչ են այն շարժումները, հասարակական կազմակերպութիւնները, կամաւորներու միութիւնները, որոնք ՀՄԸՄ-ի չափ մելան կը հոսեցնեն, անոր հմայքը ունին, ժողովուրդի հետաքրքրութիւնը կը շարժեն, շարունակական աշխատանք ունին եւ դրոշմ ձգած են անցեալին ու ներկային վրայ:

Աւելի՛ն. ՀՄԸՄ-ի հովանիին տակ 100 տարի շարունակ գործեցին համեստ միութենականներ եւ հանրաձանօթ դէմքեր, աշխարհահռչակ անձնաւորութիւններ ու փայլուն մարզիկներ, երբեմն նոյնիսկ՝ հերոսներ:

Ի տարբերութիւն հայկական կամ օտար այլ միութիւններու, ՀՄԸՄ-ը գործած է գրեթէ բոլոր մայրաքաղաքներու եւ արուարձաններու մէջ, ուր որ հայ ընտանիքներ բոյն հաստատած են:



Ի վերջոյ, ՀՄԸՄ իր մարզական խումբերուն եւ ախոյեաններուն միջոցով բազմահազար երիտասարդներու երեւակայութեան եւ երազներու ճամբան բացած է, իսկ սկաւուտական բանակումներու եւ արշաւներու ընդմէջէն անձանօթներ վերածած է եղբայրներու, ծանօթներ՝ հարազատներու:

Ի՞նչ է այս միութեան գաղտնիքը: Այն մղիչ ուժը, որ այսքան հզօր եղած է: Շատ հեզասահ կերպով ճեղքած է պատմութեան դաժան 100 տարիներ եւ կը պատրաստուի յաջորդ 100 տարիներու դուռը թակել՝ միշտ խրոխտ, ինքավստահ եւ հաստատ քայլերով:

Հասկնալու համար այս երեւոյթը՝ պէտք է թափանցել ՀՄԸՄ-ի գործունէութեան մէջ եւ տեսնել, որ այս միութիւնը տուած է ա՛յն, ինչ որ հայ ժողովուրդին հարկաւոր եղած է տուեալ օրը:

Այսպէս, ՀՄԸՄ-ի հիմնադրութեան նախորդող տարիներուն անոր հիմնադիրներուն տեսլականն էր մէկ դրօշի տակ միացնել Պոլսոյ հայկական սկաւուտական եւ մարզական տարբեր ակումբներն ու շարժումները՝ ունենալու համար կազմակերպուած, ամուր, ազգային դիմագիծով օրինակելի միութիւն մը, որ թէ՛ երիտասարդութեան աւելի լաւ պիտի ծառայէր եւ թէ՛ համայնքին մէջ ներդաշնակ ու կազմակերպ պիտի գործէր: Այդ օրերու միջավայրին մէջ կենսական եւ յանդուգն քայլ մըն էր ապագայ ՀՄԸՄ-ին առաջադրանքը:



Ապա վրայ հասաւ Մեծ եղեռնի արհաւիրքը: Սերունդ մը ամբողջ ոչնչացաւ, մաս մըն ալ որբացաւ ու անտէր դարձաւ: Այս հանգրուանին ապագայի հիմնադիրները եւ իրենց գործակիցները անցան որբախնամի եւ երիտասարդ նոր սերունդի մը կերտման աշխատանքներուն՝ մարմնամարզական, սկաուտական, դաստիարակչական թէ կազմակերպական մարզերով:

Շատ չանցած, 1918 նոյեմբերին, ՀՍԸՄ-ի պաշտօնական հիմնադրութենէն անմիջապէս ետք, միութեան կը վիճակուէր հայրենիք հաստատուիլ եւ հոն տանիլ մարմնակրթական եւ կազմակերպական լայն աշխատանք, ընդհանրապէս երիտասարդներու եւ յատկապէս Եղեռնէն ճողոպրածներու մօտ:

1920-ական թուականներէն ետք ՀՍԸՄ-ին՝ վիճակուեցաւ ակամայ տարագրութեան ճամբան բռնել եւ հաստատուիլ Միջին Արեւելքի, Եւրոպայի եւ Ամերիկաներու մէջ: Այս չորրորդ փուլը տեւեց բաւական երկար: Այս փուլին տեղի ունեցաւ գաղութներու կազմակերպում եւ բարգաւաճում՝ մշակութային, ընկերային, մարմնամարզական, Հայ դատի եւ այլեւայլ բնագաւառներու մէջ: ՀՍԸՄ-ը միշտ ներկայ էր տարբեր գաղութներու վերելքին՝ իբրեւ հաստատ կռուան եւ անվերապահ մասնակից: Այս օրերուն է, որ կերտուեցան ՀՍԸՄ-ի պատմութեան պանծալի էջերը:

Յաջորդ փուլը պէտք է նկատել ՀՍԸՄ-ի վերադարձը մայր հայրենիք, 1989-էն սկսեալ: Շատ սպասուած այս վերընձիւղումը հայրենիքի մէջ նոր հորիզոններ բացաւ ՀՍԸՄ-ի աշխարհատարած բոլոր անդամներուն դիմաց: Եւ այսպէս, բանակումներն ու մարզախաղերը տեղի ունեցան մայր հողին վրայ, նախկինէն տարբեր «համով ու հոտով», շատ աւելի հայեցի մթնոլորտով:

Եւ այսօր, ահա 100-ամեակ... 100 ձեռնարկ, 100 բանախօսութիւն, 100-է աւելի մասնաճիւղ ու տակաւին բաւարար չեն ՀՍԸՄ-ի մասին ամէն ինչ ըսելու համար: ՀՍԸՄ իր 100 տարուան պատմութեան ընթացքին եղաւ համախմբողի, որբախնամի, մարմնակրթանքի, կրթութեան, ազգային շահերը պահողի եւ դեռ ինչ-ինչ առաքելութիւններ ստանձնողի դերակատարութեան մէջ՝ ըստ հայու ընդհանրական շահերուն եւ պահանջներուն:

Հապա ապագա՝ ն...

Անկասկած, յառաջիկայ տարիներուն ՀՍԸՄ ունի նոր մարտահրաւերներ՝ հայրենիքի եւ սփիւռքի մէջ: Վերնագիրները շատ են՝ ազգային դիմագիծի պահպանում, այլասերումի դէմ պայքար, միջազգայնացումի վտանգներու չեզոքացում, կարգ մը նոր գաղութներու կազմութեան հետ քայլ պահելու աշխատանքներ եւ այլն:

Աւելի՛ն. յառաջիկայ շրջանին ՀՍԸՄ դէմ յանդիման կը գտնուի մերօրեայ կենցաղի ջլատիչ, ազգերը հիւժող եւ ինքնուրոյնութիւնը արհամարհող արդի դաստիարակութեան երեւոյթին:

Հաւանաբար ՀՍԸՄ-ի ներկայ մարտահրաւերը պիտի ըլլայ առաւելագոյն չափով հասնիլ հայ երիտասարդութեան, ո՛ր ալ ըլլայ ան եւ ինչ ալ ըլլան անոր պայմանները: Պէտք է առիթը ստեղծել, որպէսզի ամէն հայ պատանի կամ երիտասարդ անպայման ժամանակ մը անցնի ՀՍԸՄ-ի «դպրոցէն», մաս կազմէ մարզական խումբերէն մէկուն եւ մանաւանդ՝ սկաուտական միաւորներէն մէկուն: Պէտք է առիթը ստեղծել, որպէսզի ամէն հայ պատանի մասնակցի ՀՍԸՄ-ի մարզախաղերէն մէկուն եւ բանակումներէն քանի մը հատին: Չբաւարարուիլ աւանդական քարոզութեամբ եւ տանիլ աւելի «յարձակողական», գործնական

քարոզարշաններ՝ ծանօթացնելու համար մենք մեզի նոր սերունդին եւ հրաւիրելու համար զայն ՀՄԸՄ-ի ազնիւ համակարգին անդամակցութեան:



Եւ, ի վերջոյ, տեղ տալ երիտասարդութեան, որպէսզի աշխատի ՀՄԸՄ-ի վարչամեքենային մէջ, սորվի աւանդութիւնները, պահէ զանոնք մասունքի նման, բայց չըլլայ աւանդապաշտ: 100-ամեայ փորձառութեամբ զինուած, ՀՄԸՄ-ը անպայման ինքնավստահօրէն պիտի դիմագրաւէ ապագան՝ շնորհիւ իր սկզբունքներուն, ազնիւ ու պարկէշտ ղեկավարներուն օրինակին եւ իր նշանաբանին՝ «Բարձրացի՛ր, Բարձրացո՛ւր»-ին հաւատացողներուն:

Անթիլիաս

DE SPORTCOMMISSIE VAN HONENETMEN ALMELO ORGANISEERT

SPORT VOLLEYBAL BASKETBAL DAG

ZONDAG 14 JULI 2019

AANVANG: 19.00 UUR / DEELNAME: GRATIS! / LEEFTIJD: V.A. 14 J.



Welgelegen 8, 7608JZ Almelo

VOOR MEER INFORMATIE: 06 85057187 OF 06 19945954



Վերամուտ



Վիբրակի 2 Սեպտեմբեր 2019 Թ. Ին , Հոլանդական (Het Twentse Ros) սկաուտական բանակավայրին մեջ , մօտաւորապէս 50 սկաուտներու եւ միութեան սկաուտական խորհուրդի ներկայացուցիչ Եդր. Ճագ Մատաղուտողեանի ներկայութեամբ տեղի ունեցաւ Հ.Ս.Ը.Մ. Ալմելօ Մեկուսի Շրջանի Սկաուտական (2019-20) տարեշրջանի վերամուտի հանդիսութիւն:

Օրուայ հանդիսութեան տեղի ունեցաւ նորանոր մուկլիկներու ընդունելութիւն ուր ետք Եդր. Մատաղուտողեան փոխանցեց սկաուտական խորհուրդի եւ խմբապետական կազմի ողջունները ապա քաջալերանք սկաուտական առաքելութեամբ առաջընթաց յաջողութիւններ մաղթեց բոլորին:

Հաստատ բանակավայրի հնարաւորութիւնը չունենալու պատճառով յաջորդ հրատարակութեան մեջ այլ մանրամասնութիւնները հրատարակելու ենք:



Շաբաթ 21 Սեպտեմբեր 2019 Թ.ին տեղի ունեցաւ Միութեան սկաուտական 2-րդ հաւաքոյթը, Ալմելօ-ի (Gymlokaal Catharina van Renneslaan) մարզադաշտին մեջ:

Հերթական հաւաքոյթին տեղի ունեցաւ նոր Աստիճանաւորական , պաշտօններու փոխանցում եւ սկսուեցաւ Հ.Ս.Ը.Մ. Ալմելօ Մեկուսի Շրջանի 23-րդ մարզահանդէսի պատրաստութիւնները:

Լուսանկարներ.-





Հ.Մ.Ը.Մ. Ալմելո Սրահի նոսնագնդակի Ա.Խումբի

Հ.Մ.Ը.Մ. Ալմելո Մեկուսի Շրջանի սրահի նոսնագնդակի Ա.Խումբի (K.N.V.B) ԹԻՎԵՆԹԱ շրջանի 2019-20 տարեշրջանի Բ.Կարգի մրցաշարային նախորդ եռամսեայ մրցումներու արդիւնքները.-

F.C8 vs Homentmen (4-1)

Homentmen vs Almelo F.C 7 (4-9)

Խմբի մարզիչ Եդր. Հայաստան Սարգիսեանի կ'շարունակէ միութեանս սրահի նոսնագնդակի խմբի փորձերը շաբաթուայ երեքշաբթի օրերը (schelfhorst) մարզադաշտին մէջ :



Հ.Մ.Ը.Մ. Ալմելո-ի 13-րդ ԸՆԴՀԱՆՈՒՐ ԲԱՆԱԿՈՒՄ



Հովանավորությամբ Հ.Մ.Ը.Մ. Կեդրոնական Վարչության կազմակերպությամբ, Հ.Մ.Ը.Մ. Ալմելո Մեկուսի Շրջանի եւ ամբի քան 40 սկաուտներու մասնակցությամբ տեղի ունեցաւ 15-16-17-18-19 Յուլիս 2019 Թ.-ներուն Հոլանդական (S.E.L.S.C.) քաղաքի սկաուտական բանակավայրին մէջ, Միութեանս 13-րդ սկաուտական ընդհանուր բանակում:



Ըստ սովորութեան, նախապէս սկաուտական խորհուրդի կազմակերպուած նման բանակումներու ծրագիրները միշտ գնահատելի եղած էին . պատրաստակամ Գայիկներու մասնակցութիւնը օրուայ բանակումին ներգրաւուած Բացառութիւններէն մէկն էր:



- Բանակումը ունեցաւ իր յատուկ յիշեալ խմբապետական կազմը .-
- Եղբ. Յակոբ Գասարեան (Բանակումի Ընդ. Խմբապետ).
 - Քոյր Մարիամ Միհրարեան.
 - Քոյր Սոնիէա Խաչատուրեան.
 - Քոյր Թանիէա Աղսմեան.
 - Եղբ. Ռազմիկ Արամեան.



Միութեանս 13-րդ սկաուտական ընդհանուր բանակումը ընդգրկեց նաեւ Ա.Կարգի տեսլական հանգրուանի (28-30 Յունիս-ին) աւարտած յիշեալ սկաուտներու գերազանցութեամբ գործնական հանգրուանը.-



- Քոյր Մարիամ Մխիթարեան.
- Քոյր Սոնիեա Խաչատուրեան.
- Քոյր Թանիեա Աղօսեան.
- Եղբ. Ռազմիկ Արամեան.
- Եղբ. Սարգիս Սիմոնեան.
- Եղբ. Վահիկ Տէր Պօղոսեան.
- Եղբ. Հէրոս Սարգիսեան.
- Քոյր Սարգրիտ Գորգիսեան.
- Քոյր Արաքսի Խաչատուրեան.



Սկաուտական խմբապետական կազմի ծրագրուած (մարմնակրթական , մարզական եւ սկաուտական) աշխատանքները եւ մարզական փէճի , Կապեր եւ հանգոյցներու փէճերու եւ հեռախօսական նշաններու եւ կողմնացոյց փէճերու դասընթացքները պարբերաբար ներկայ էին 5-օրեայ մարզահանդէսին յաւելեալ տեղի ունեցաւ (ՏԵԼՏՇՆ) քաղաքի մէջ աւելի քան 10 Կլ. արշաւ :



Բանակումի վերջին օրուայ փակման արարողութիւնն տեղի ունեցաւ կարգերի բաղխում , աստիճանաւորութիւն եւ փոխանցման արարողութիւն ուր . -
- Քոյր Մարգրիտ Գորգիսեան ստացաւ Վարիչ առաջնորդի աստիճան եւ
- Եղբ. Ռազմիկ Արամեան ստացաւ փոխ խմբապետի աստիճան:
Փակման արարողութիւնը աւարտուեցաւ շքեղ խարուկահանդէսով:



Հ.Ս.Ը.Մ. Լոնտոնի Համա-Հ.Ս.Ը.Մ.ական բանակում

Հ.Ս.Ը.Մ. Ալմեյո Մեկուսի Շրջանի սկաուտները մաս կազմեցին 23 -27 Յուլիս 2019 Թ. Հ.Ս.Ը.Մ. Լոնտոնի հիմնադրութեան 40 ամեակի նուիրուած Համա-Հ.Ս.Ը.Մ.ական բանակումին:

- Օրուայ բանակումին պատուիրակութեան կազմն էր .-
- Քոյր Մարիամ Մխիթարեան (Պատուիրակութեան խմբապետուհի).
- Եղբ. Ռազմիկ Արամեան (Փոխ խմբապետ).
- Քոյր Մարգրիտ Գորգիսեան
- Քոյր Լուսի Արեսթակեան.
- Քոյր Նադալլի Մելքոնեան .
- Եղբ. Հերոս Պոզոնթեան.



Սոյն բանակումին հիւրընկալ Հ.Ս.Ը.Մ. Լոնտոնի մասնակիցներու հետ միասին ներկայ գտնուեցան Հ.Ս.Ը.Մ. (Զուեդ ի, Ֆրանս ի , Բուլղարիոյ, Գերմանիոյ եւ Հոլանտայի Ալմեյո) քոյր եղբայրներ:

Բանակումը ընդգրկեց զանազան ազգային , սկաուտական , մարմնակրթական եւ մշակութային դասընթացքներ եւս առօրեայ խարուկահանդէսներու եւ բանակումի ռատիո յայտագրի պատրաստութիւններ ապա բանակումի յայտագրին մէջ ներկայ եղաւ մասնակից երկրներու տարբեր ժողովրդական եւ մշակութային ցնձալի կենդանի պատկերներու ցուցադրութիւններ:





Միութեան սկաուտները բանակումի ռատիօ յայտագրի նիւթ ներկայացուցին Հ.Մ.Ը.Մ. Ալմելօ-ի շէնքի հարցը:



Հինգշաբթի 25 Յուլիս 2019 թ. Ին ըստ նախատեսուած բանակումի ծրագրին տեղի ունեցաւ այցելութիւն Լոնտոն քաղաքի պատմական տեսարժան վայրերը եւ կոթողները:

Բանակումի աւարտին տեղի ունեցաւ մասնակիցներու շքեղ սկաուտական խարուկահանդէս ապա յուշանուէրներու փոխանցումներ:





ԲՈՎԱՆԴԱԿՈՒԹԻՒՆ

- ⇒ ՀԱՂՈՐԴԱԳՐՈՒԹԻՒՆ Հ.Ս.Ը.Ս.Ի 111ԸՂ ՄԱՍՆԱՃԻԻՂԸ՝ Հ.Ս.Ը.Ս. ԱՐՅԱԽ
- ⇒ Հ.Ս.Ը.Ս.Ի ԱՐՅԱԽԻ ՄԱՍՆԱՃԻԻՂԻ ՀԻՄՆԱԴՐՈՒԹԵԱՆ ՊԱՇՏՕՆԱԿԱՆ ԱՐԱՐՈՂՈՒԹԻՒՆ՝ ՍՏԵՓԱՆԱԿԵՐՏԻ ՄԷՁ
- ⇒ ՀՄԸՄ-ը՝ Անցեալէն Ապագայ Երիտասարդութեան Հետ, Երիտասարդութեան Համար
- ⇒ Սկաուտական Վերամուտ
- ⇒ Հ.Ս.Ը.Ս. Ալմէյօ Սրահի ոտնագնդակի Ա.Խումբի
- ⇒ Հ.Ս.Ը.Ս. Ալմէյօ-ի 13-ԸՂ ԸՆԴՀԱՆՈՒՐ ԲԱՆԱԿՈՒՄ
- ⇒ Հ.Ս.Ը.Ս. Լոնտոնի Համա-Հ.Ս.Ը.Ս.ական բանակում
- ⇒ Բովանդակութիւն

Հասցէ . Adres : welgelegen 8 . 7608 JZ - Almelo
 Կայք էջ . Website : homenetmenalmelo@yahoo.nl
 Facebook : Homenetmen Almelo / ՀՄԸՄ Ալմէյօ
 Instagram :  [homenetmenalmelo](https://www.instagram.com/homenetmenalmelo)

Առաջարկներու համար կը խնդրուի կապ հաստատել homenetmenalmelo@yahoo.nl ուլ